



Uunga
Anthon Frederiksen
Inatsisartunut ilaasortaq

14-12-2017
Suliap nr. 2017 - 26845
Akt. id. 6734754

Napparsimasunut ilaquataannullu ikiorsiisarneq pillugu § 37 naapertorlugu apeq- qut nr. 2017 -275-imut akissut

Asasara Anthon Frederiksen

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
Mail: iniian@nanoq.gl
www.naalakkersuisut.gl

Napparsimasunut ilaquataannullu ikiorsiisarneq pillugu apeqqutigisannut qujanaq. Aallaq-
qaasiullugu utoqqatsissutigissavara apeqqarissaartoqarnerani apeqqutigisatit aatsaat
maannakkut akisinnaangorakkit. Akissutissat suliarineqarsimapput aamma Aningaasa-
qarnermut Akileraartarnermullu Naalakkersuisoqarfimmut tusarniaassutigineqarsimallu-
tik. Taamatut ingerlasoqarnerani sukumiisumik akissuteqarsinnaaneq naatsorsuutigine-
qartumit ajornarnerusimavoq, taamaammatt akissutigineqartut suli nassiunneqarsinnaa-
simanatik. Ulloq 15. november apeqqarissaartoqarnerani apeqqutigisannut akissutissat
maannakkut § 37 naapertorlugu akissutinut ilanngunneqarput.

1. Napparsimasunut katsorsartinneq pissutigalugu danmarkimiikkallartaria- qartunut aningaasatigut ikiorsiinissamut periarfissat suuppat?

Maannakkut peqqissutsimut inatsisini aamma inunnik isumaginninnermut inatsisini nap-
parsimasunut katsorsartinnerminnut atatillugu Danmarkimiikkallartariaqalersimasunut
aningaasanik ikiorsiinissamut atorsimasanulluunniit taarsiissuteqarnissamut inatsisitigut
tunngavissaqanngilaq. Taamaallaat pisortanit ikiorsiissutit pillugit Inatsisartut peqqussu-
taat aamma pisortanit ikiorsiissutit tunniunneqartarnerat pillugu nalunaarut, iliuusissanut
pilarsaarutit, suliaratoriaannaaneq il.il. malillugit Kalaallit Nunaanni Danmarkimilu nappar-
simavinni napparsimasunut aningaasangorlugit kaasarfimmiussiisarnissamut tunnga-
vissaqarluni.

Kalaallit Nunaanni Namminersorlutik Oqartussat, Nutarterinnermut Aqutsisoqarfik aamma
SIK inunnik isumaginninnermut aningaasaateqarfissaq pillugu isumaqatigiissuteqarsi-
mapput. Suliffeqarfinni taakkunani sulisoq nammineerluni ilaqutarluunniit napparsimaru-
lussimappat, aningaasanik ikiorsiisoqarnissaanik qinnuteqarsinnaapput. SIK aningaa-
saateqarfimmut allattoqarfiuvoq makkuninngalu ikiorsiisoqarnissaanik ilaatigut qinnute-

qartoqarsinnaavoq: Sulinikkut isertitassanik annaasaqarneq, ineqarneq, angalanermut aningaasartuutit aamma toqusut illerfiannik angerlaassilluni assartuineq.

2. Qaagukkut napparsimasoq Danmarkimi katsorsartittariaqalersimasoq ilaqtaminik qanigisaminik najorteqarsinnaava?

Apequtigineqartup taassuma akissuteqarfiginissaanut Peqqissutsimut Naalakkersuisoqarfimmit ilanngussisoqarnissaanik pissarsiniartoqarpoq imatut paasissutissiisumik:

Napparsimasut tamarmik tunngaviatigut periarfissaqarput kissaatigissagunikku nakorsiarnermi katsorsartinnerminnilu ilaqtaminik ilaqassallutik, taamaalioqartassallunilu peqqissaanermi suliassanik suliallit sulinerat napparsimasullu pisariaqartitai isiginiarlugit.

Napparsimasunut sapinngisamik amerlanerpaanut katsorsaanissamik neqerooruteqartarsinnaajumalluni aningaasaqarnermut tunngasutigut sianiginiagassat pissutigalugit napparsimasunut nakorsatut suliassat tungaanniit isigalugu nukinginnartumik inuunermik navianartorsiortitsisumik napparsimarulunngitsunut ilaqutaasunut aningaasaliisarneq inuit namminneq akisussaaffigaat.

Paarlattuanik napparsimasut nakorsatut suliassat tungaanniit isigalugu inuunermik navianartorsiortitsisumik napparsimasutut nalilerneqartut peqqinnissaqarfiup akiligaanik katsorsartinnerminni ilaqtaminik ilaqarsinnaatitaapput.

2017-imi napparsimasunut katsorsartikkiartorlutik Danmarkimukartussanut aqqissuusineq nutaaq atuutilersinneqarpoq. Tamatuma kinguneraa napparsimasut Kalaallit Napparsimasut Angerlasimaffianni inissinneqarsimasut ilaqtaminik ataatsimik napparsimasut angerlarsimaffianni inissaqassuseq apequtaatillugu ineeqqaminni ineqartitsisinaanerannik. Tamatuma saniatigut ilaqutaasoq Kalaallit Napparsimasut Angerlarsimaffianni najugaqarnermini akeqanngitsumik ullaakkorsiorsinnaavoq.

3. Napparsimasumut aappaasoq uisurlounniit piffissap ilaani sivisuumik danmarkimiittariaqarsinnaasarpoq, suliffik akiligassallu qimaannarlugit, taamaattoqartillugu ineqarnermut kiassarnermut, kallerup inneranut akiligassanullu pisariaqavissunut pisortat ikiorsiisinaanerannut periarfissat suuppat ?

Ikiorsiisutaasinnaasunik pisortanit aningaasalersugaasunik, apeqqutinut 1-imut aamma 2-mut akissutigineqartuni taaneqartut saniatigut, qanittumik ilaqutaasut unitsitaanerannut atatillugu ilaqutaasut aningaasartuutaannut matussutaasinnaasunik peqanngilaq.

Inussiarnersumik inuulluaqqusillunga



Sara Olsvig

Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut
Naalakkersuisoq